



831013

兩粵夢遊題敘



天之生才何代無有在士大夫之生逢其時
有幸有不幸耳不幸而當國家蒙難夫馬多
艱危急存亡之際內沮宵人外絕同氣職非
心膂位擁虛名雖武侯之志匡漢鼎王導之
功扶晉祚嶽嶽稜稜赤心勁骨將焉用之徒
使壯士寒心英流飲泣而已然君子之福莫
大乎不與小人同富貴競名譽正以小人之

荆皖逸史

兩夢遊粵記叙一

一

謀毒君者實無事不成就君子未幾而身敗
名滅富貴亦隨之俱盡僅刻畫一怙勢傾險
之小人而出乃天下事始更有不忍言者吾
甚有感於涑菴先生之夢遊筆記也先生自
崇禎庚辰應烈皇帝徵辟之典簡收永寧尋
台臬以幹才推轂調繁刺全時闖逆兇陷三
楚嶺危疆勢多鼠首獨先生乃心王室控戢
巢搖逆氛望風歛甲而去有百粵睢陽之稱

洎量移佐全晉階憲副調停悍帥庇恤殘黎
心枯力竭危苦萬狀先是 上在潛邸避兵
過州深藉擁護踐祚之日念先生勲德出中
旨召赴殿廷擢貳罔侃侃建議多爲五虎攢
足雖撫全之命中外歡呼實黨人以危地相
空拳秉鉞湧涕受命諸帥方挾進勲爵晝夜
荒宴兵無編訓餉恃掠取及聞北兵南徇潰
營宵遁而已先生方謝病在告疾趨行在告

荆皖逸史

兩慶遊粵記叙一

一一

北兵隨至乘輿播遷先生已拔刀自刎爲夏
弁堅奪擁之登舟子身束下嗟乎脫豺狼之
窟乞鋒鏑之生詎先生之得已哉使當時朝
無黨人鎮有良將藉春陵之景運授公旄鉞
與何堵諸君子戮力安攘馬知靈武建康之
事不復得見於今日乎雖然以予觀先生尙
未爲不幸也使居恒而當朝廷清晏之日由

守牧而歷躋中丞不過博一富貴顯榮之人

如三彈四貴而止矣安得有老錢寒松鞏國
難於蠻烟瘴海之間壯志士之悲歌者哉宋
黃文節云吾人臨大節而不奪只是不俗惟
先生之爲不俗之人先生之真不俗之夢矣
新安旅亭社盟小弟許楚拜書于鵝城之一
覺道院

荆皖逸史

兩夢遊粵記叙一

三

予與涑菴同應徵書同驅百粵同膺禍患其
濱死烟巒瘴海稠戈密壘之中而櫛風沐雨
忍飢耐暑以苟幸無罪蓋無之而不同也者
然則予與涑菴皆夢中人也同在夢中迷而
不悟而涑菴獨爲拈出其邯鄲一覺乎緬懷
十數年中國勢如飄風人心如駭浪事且岌
岌而行在諸君子顧乃爲蝸爭爲蟻鬪門分

荆皖逸史

兩夢遊粵記叙一

一

戶列議論囂然以成敗爲兒戲予思援手而
不得亦付之無可如何流涕太息而已矣涑
菴行不避難一旦把中丞鉞出鎮永地完殘
補斲勞苦萬狀至于驕兵悍帥黽勉支吾而
嶺右迄亦少延秋毫皆中丞力也及涑菴謝
病而遂不支九關虎豹豈不以人重哉今讀
其夢遊一編大抵應變者什之七靖亂者什

之三才敏而識深鋒銛而機利故節解理斷

秦刀善然其自守土以迄撫綬無或有棘其
手者雅歌投壺而有封狼居胥之意隱若敵
國矣萬里歸來經綸盡捐乃復理前夢如楊
柳外曉風殘月乍明乍滅當無問黃梁之熟
與未也夫蕉中之鹿槐國之蟻千古沉沉誰
爲喚醒聞是編而乃知風塵勞攘舉皆酣譬
枕中總非實相苟得其解亦可以洒然而雪
釋矣雖然因夢得覺覺亦是夢天下事何常
之有涑菴以醒眼澄觀世外升沉往復終當
有定弱流方淺夫將聳身瑤島爲汗漫之遊
而予顧沾沾焉涑菴語疇昔商甘苦亦幾於
痴人說夢矣年社弟晚庵陸世廉題

荆駝逸史

兩夢遊粵記叙二

一一

般若經云三千大千世界中如夢如幻如響如像如陽燄如變化事如尋杳城嗚呼一念心起三千性相一時起一念心滅三千性相一時滅人生夢耳何事足掛人齒雖然予上下古今世間唯忠義感憤艱苦歷試之際其赤胆丹衷如魚腸千將或化爲虎或化爲龍射牛斗耀霄漢一段不可磨滅之精氣固亘

天地間也疎庵應詔握符始州郡藩臬旣秉鉞雄鎮值鼎湖烏號宗社不絕如線尋聞中外交訐金戈鐵馬倥偬震撼公等碌碌瞠目袖手之交能咄叱風雲指顧患難出生入死出死入生屠坦解牛砵然卸然無一棘手此無他唯心鏡澄澈一塵不染如盪鉢羅奔荼利俱母陀種種名華出自波淖中一滓不着故迎及輒解衣絮緝掉臂叢棘中而能脫然

無星礙若此此何莫非忠義感憤艱苦歷試
所餘也嗟乎涑菴鍊金者黑濁氣竭黃白次
之黃白氣竭青白次之至青白竭而紫白乃
成質之至精者未有不經鍛鍊而成者也今
涑菴鍛鍊成矣何異六祖在黃梅碓杵之時
立地大悟三解脫六神通七等覺是夫悟則
俱悟經云若夢若覺要於見聞知法中有覺
慧轉由斯起樂由斯起淨總於夢覺分之矣

判皖逸史

兩夢遊粵記叙三

二

予故爲涑菴迹般若偈曰一切有爲法如夢
幻泡影如露亦如電應作如是觀社弟何謙
貞識

叙四

我儕埋首芸牕便作邯鄲計其進退古人矢志恍慨卽有真精神感召其間及跳入大枕中得意耶失意耶失中有得耶得中有失耶皆夢也當其沉沉酣鬯誰知失得迨遽然一覺始拍案叫曰嘻是乃其爲夢也已嗟乎人生何事非夢夢幻已乃夢覺而向人說夢又爲人解夢不亦幻中之幻乎予曰非幻也真

荆楚逸史

兩夢遊粵記叙四

一

也於何徵之於吾年社伯涑菴徵之涑庵少負不羈之才每當旂鼓相向人所棘手莫措者涑庵獨游刃有餘人所手忙脚亂一隊難整者涑菴獨投雅壺歌而八面皆鋒蓋由才大而機敏故目無全牛一往而奏刀善然也及應 明詔涑菴先着祖鞭晚菴次之予最後兩翁後先應命入粵而予區區小草涼倒莫支自後三人亦石公所云同牀各夢不相

于矣忽遭頰洞睽懷知已亦每每夢斷關山
顛倒十餘年間兩翁復先後歸來相與握手
殷勤慰勞苦者亦恍如夢中人說夢中事一
日過涑菴齋出一編示予曰此我十二年中
兩粵夢遊錄也予讀之不禁淚數行下非泣
其茹荼飲血于嶺崖烟瘴中瀆萬死而得一
生也非泣其枕戈擐甲子虎狼窟穴內痛定
轉生痛也泣其有才如此而不獲展于河清

荆皖逸史

兩夢遊專記叙四

一一

海晏之日又不早扞于車攻馬同之秋而乃
扞于矢盡兵窮之會迄今想其仗鉞時雖鼓
氣竭而熱血猶腥于海嶠一塊土也使移此
於河清海晏車攻馬同之日有不勒燕然而
繪麟閣者乎且兩者相較孰難而孰易也嗚
呼其真寔耶幻耶然在他人爲幻而在涑菴
則猶是游又有餘猶是投壺雅歌直舉萬重
戈矛荆棘一以詩壇酒壘鎮之而已矣則非

凍菴不能爲夢而非是夢不足以見凍菴果
真也非幻也請以喚醒說夢者年社弟銘果
氏吳廸題

判牒逸史

兩夢遊粵記叙四

三

叙五

涑庵先生記其在兩粵時事命曰夢遊陳子受而讀之慨然歎曰國家治亂成敗之故何其古今一轍乎方先生之守一州也位在下僚然是時紀綱尙出於一旦多大吏之賢者贊之襄之雖間有異已爭之輒勝故能發擢志意卓有建立澤被遐邇稱道弗衰及其後爲御史中丞秉旄鉞通顯甚矣乃陰撓其權

荆岫逸史

兩粵夢遊記叙五

一

顯掣其肘者旁見叠出大聲疾呼褒如充耳所以艱難拮据卒鮮成功逮於奉身引退而事遂不可爲斯可嘆息也已先生此編於陰撓其權顯掣其肘者皆微見而不詳蓋不欲以過歸人有忠厚之旨而叙述之詞亦類取質直不加潤色則又見其無聊抑鬱觸緒紛來不願以言語文字擅長也介之推不云乎身將隱焉文之先生有焉後之覽者使不能

得言外之意而求之文字之間則於先生之
所謂夢遊者猶未夢見何足與觀古今成敗
治亂之故乎爰識之簡端以請質諸先生虞
山後學陳鶴徵識

荆楚逸史

兩粵夢遊記叙五

二

叙六

天下治平分符出宰一中材之士能辦之惟
當國祚欲遷漢鼎將移之日巨寇臨衝強藩
爭據而乘間竊發者觸處戈矛剖腹藏珠者
婪貪亡命首鼠狐遁者陰陽煽惑士生其間
而欲安上全下犯難不危歷險無筭豈不難
哉此非有大識量大學術大才智者弗能吾
友馬涑菴於烈宗朝爲粵西州守以才優

荆馳逸史

兩粵夢遊記叙六

一

轉東瓊郡收際泣鼎湖晉元南渡從龍附鳳
晉階中丞其間蹈豺虎穴者凡幾墮蛟螭壑
者凡幾歷魑魅魍魎之交者凡幾存危旦暮
生死呼吸而卒能翛然杖履扁舟遣吳親戚
故舊卮酒慰勞極平生歡予每強之述別後
行踪涑翁笑曰此夢遊耳何廷言浮白澆之
盡醉掀髯快故數年情事如在一日予不勝
欽服嗟乎今人中有如是識量如是學術如

是才智其人耶唐之裴郭宋之富鄭寇蔡庶
其匹與若夫公等碌碌所謂因人成事者其
何可同日語哉強請筆之記而題之序竹菴
弟馮瑄

荆駝逸史

兩粵夢遊記叙六

二

叙七

吾人看破夢覺關頭便是學問得力處以此
治心以此治世天空雲淨絕無塵礙涑菴兄
以徵辟起家致位中丞能出其生平學問歛
歷中外十有餘年當國家板蕩日置身於驚
波駭浪中而率至蹈險而若喪履危而無恙
斯何異夢中境界千變萬化靡所不有遽然
一覺仍見本來面目也歸來閒曠花晨月夕
鬪棋賭酒與二三知己抗談往事悲歌慷慨
是真能看破夢覺關頭者試取兩粵游記讀
之治心治世學問具在此矣弟續拜書

荆駭逸史

兩粵夢遊記叙七

一

兩粵夢遊記

吳縣馬光涑庵



余幼不慧長失學偃蹇食貧躑躅於各場者
二十四載已邗春改赴北雍爲破釜沉舟之
計復以次塲一字失格擯於闈外進退維谷
幾不欲生詢之日者云流年大運卽有發迹
之日也殊訝其妄落魄無聊適馮仲光過訪
相慰語次嗚咽因勸予云今 聖天子加意

荆遊逸史

兩粵夢遊記

一

徵辟破格用人何不圖一進取予答之云是
雖叔典然奔競之徒實有敗類心切鄙之不
屑與比肩也仲先云家貧親老日月逝矣能
必來科之拾芥乎且事在人爲顧各豎立何
如耳予聞此語通身汗下遂往商之芝田周
老師欣然開薦以是年秋九月初八日送部
十月十五日進呈 御覽十一月初五日報

各初六日過堂十五日吏部考試第二名定

知州銜十二月十五日擧職得廣西之永寧
州庚辰正月領憑歸三月初十日東裝起行
六月初十日抵任永寧故萬山中彈丸地猺
十之九民十之一土著在庠者僅二十餘人
荒瘠無比抵任後謁各土臺俱有刮目相待
之意因同社凌求蒙先在桂林郡時得邸報
極口爲說賢也是時署桂林府者爲司李徐
公登瀛執手囑云永寧雖僻小有兩件極難

判牒逸史

兩粵夢遊記

二一

處分事公能了之便是大經濟予詳叩之云
其一爲土司羅大政事匿印殺人其父兄俱
斃于獄印終不出賍終不完叅戎屢統兵擒
之每受傷而歸此係欽件八年於茲矣其一
爲奸人首告于靖藩云土豪數百侵占三鎮
兵田三萬餘畝王府批送兩臺欲清出沒爲
王莊予謙讓未遑僅唯唯別莅任之初革去
三里供應舊例及各舖戶官價一照民間時

值平買訟獄之事一一以虛公平恕出之每
朔望之次日進二十餘庠生于明倫堂拈題
分課晚以榼酒相酬勸隨甲乙之未幾兩臺
奉藩王命檄催清田隨兜與詣三鎮踏勘其
田雖係土狼軍田然數傳之後轉相酌售民
徭安爲世業一旦按籍稽之必洵洵生變乃
設法清查其地畝寬溢者量爲查追令其從
實自首得五千餘畝以報且爲力陳利害靖
藩不滿志然亦無能相左初欲立庄設官收
租又力阻之徑自州中收籽粒以輸而州無
煩擾合邑稱便

荆駝逸史

兩粵夢遊記

三

查田之日路徑土司羅大政巢穴故假宿於
其鄰近此酋偵知予近人情也果備雞豕酒
采來謁見予爲霽顏以待善言慰諭羅酋始
亦疑有計辭色惶悚繼見披瀝相待神情稍
安語次因詢汝向有事在府未子乎曰然向

來外邊官府尙欲株求汝乎曰然問何以不
卽了結云寔係父兄犯事與小的無干今出
卽就死所以不敢出頭因跌足語之曰可惜
向來本州太爺不爲汝調停所以汝吃虧耳
曾叩頭服又語之曰汝若聽信我當爲汝昭
雪此事完八年未了之局只怕你信我不過
耳曾因感泣又語之曰約汝三日後到州城
來具呈我當爲汝申詳完汝事保汝命曾再

荆蹤逸史

兩粵夢遊記

四

一

叩謝而諾返舟之三日首果如期具呈匍匐
庭墀又以善言慰之剛在州一日府差突如
其來練鎖而拘之將擒入省呼府差喝罵之
曰汝輩既有手段拏他何八年內不拿直待
今日本州勸之出來湊汝之巧若然則本州
誠心相勸竟是設計弄他此人不足惜本州
亦何以能誠心待百姓府差堅不放鬆云失
此機會後難圖也又罵之曰寧可日後汝有

本事自行捉拏今日斷不令汝拿去要鎖竟鎖我要稟府院竟稟壞我此人終不可得府差見詞色峻厲尙在疑難因謂之曰汝輩不過欲完前件耳他贓銀在我可完匿印在我可出完汝前件弄完按院本府刑廳前件汝意若何府差稟云若得如此分付又有何說因揮使開鍊放羅首歸家只取印來贓銀八十五兩我代汝還酋不敢去願就監禁曰恐太爺信不得小的也予喝之曰汝信我而來我今反不信汝之去有是理否曾叩頭大泣府差依言開鎖放限令二日速來二日持印到又設處四十金皆零星低飾隨在庫兌銀八十五兩封印一顆備文書交付府差上納曾亦陸續完庫

署徐司李驚喜欲狂遍告各臺云有此神通到任未三月而了此兩件難事因是兩臺兩

司轉相告語謬得虛譽遂相商調繁全州全
故巖邑也紳士多而抗輸吏胥作奸者粟錢
糧完不足三分侵欠至不可究詰按台左公
承圖同守道王公維夔郡侯凌公必正司李
徐公登瀛親往查算了無頭緒杖斃庫吏書
三人一年四易其署及新守至以愿咄之人
終爲奸蠹所混兩臺竟密商 題奏將兩州
對調不使人知迨後藩司有一吏漏此消息

荆蹤逸史

兩粵夢遊記

六

一

急赴省懇辭而 旨已下矣永寧紳士耆老

民孺百輩赴省控留極其哀懇終不可得後

見右藩劉方伯諱伸語云貴州何所感動而

上下交孚乃至於此先是議調之日左藩何

方伯諱應瑞力勸兩臺云全州自來州守不

得令終永寧雖小吏習民安今調之往非以

愛之實以害之譬如名花初開鮮妍可愛政

宜護惜之多賞玩幾日如何擺在風風雨雨

之地使其一旦零落眞可惜也爲之歎息兩
臺云全邑整頓非馬守不可彼可無難也交
檄力促往代不得已料理倉庫冊籍交代捕
官赴全與舊守對換交付初到之積蠹俱遁
六房寥寥無幾因有相得新守巖峻者紳士
頗不敢前乃先就各紳延訪利弊令之各陳
所見及查錢糧冊籍諸奸恐害已也而悉去
之耐心催造閱兩月始得其概知尙來積欠

荆趾逸史

兩粵夢遊記

七

非盡民欠也吏書相沼侵收終掛欠在花戶
所以民敢於欠耳爲立催科之法凡輸納者
親爲給票掛號不使吏書得入其手當堂握
筭及額者免其候比卽不及而相去不遠者
亦免其朴責惟久不輸納者鄉紳則嚴提家
屬責柳甚有鄉紳親赴討郊扭其胸願與同
入禁秀才欠多者申叅褫革完卽詳復因是
鄉紳不復如向日抗翰而小民有掛號之票

赴比完納不爲庫吏侵欺其銀色不足與零
星小塊亦與平收詳解藩司將此項發兌兵
餉得允人人樂輸竟徵定至九分外矣全紳
士極多凡有爭訟雖小事必有幾人說情莫
可適從聽審之日信理決斷當堂立批審單
令承行者高聲朗誦聞以至詩詞調笑之紳
士林立庭墀聞之竟解願去其情罪可恨者
嚴加痛責免其抵罪後紳士亦無擾也驛遞

荆隴逸史

兩粵夢遊記

八

夫馬往來如織每寬惜一分供應無缺各臺
積年前件宿案至累百計差役追呼盈門靜
以待之有狡縱者先申詳而責禁之猶憶一
府差催前件票內計有三十餘件每件索使
費一錢許以三分猶睥睨不應予硃筆判示
粘照牆云積年前件不完不自今日始然府
差何必苦來纏纏我也不相干不如早整歸

鞭莫教枉費盤纏州中事體萬千於我有急

者爲先府差竟揭硃示呈府尊張公元弼府尊執以訶撫臺及監司撫臺笑曰此戲耳又府糧廳掣州中糧戶文漢章拘禁差役并拘其戶族里中不平爭擊之府差奔歸膚慙糧廳隨取一名帖令府差具一呈來告欲本州提解府差忿甚不候出堂擊柳傳遊奴子悞遺名帖僅以一呈進卽批其呈云有了一個文漢章又要一個文漢章不打府差而打誰

荆馳逸史

兩粵夢遊記

九

一

哉應該打還該打立時發卹府差見之憤懣愈甚亦持送糧廳廳係宗室且西北人也性甚急見之大詫亦伸呈撫臺撫臺云全州慣如此耳糧廳怨撫有嗜全之癖于是司差府差裹足不前卽有至者亦不敢爲虐拮据半年之後鄉紳之稱雄者始傾心信服置酒相款必爲引滿盡興嗣後諸從風延請人人交懼赴席殆無虛日半月一課士亦如永寧科

歲兩次童子試取首一爲馬永凱一爲謝希
洙次名鄧喬璋胡襄國俱少年未冠卽獲雋
鄉榜生員月課居首名者壬午榜得捷二十
五人因是翕然有衡鑒之名舊春元俱執贄
門下凡赴省送考各縣遣童子於二十里外
跪迎至寓爲分題覆考各拔數各送道府尊
矐目相視各縣亦不以越俎爲嫌也爾時士
民傾服催科不甚費力得暇尋山問水鄉紳

荆晚逸史

兩粵夢遊記

十

爲造一酒船日徜徉於峭壁瀑泉間巡道謹
起龍孫公每以公函時所作詩索和日以爲
常撫臺林公贄好作文每以成帙相授俯索
批評驛傳道黎公慶永亦以詩唱和稱文字
交或以公事赴省偕同僚謂各臺必另延見
不以末屬相待也紳士請席必有歌姬侑觴
徹夜豪飲外有風流太守之稱

壬午之夏忽有鄉紳告變云文橋地方有倡

亂奸徒每百人爲一部今已聚至七部矣且
夕竊發將有不虞此紳爲伍成武老成端謹
人也其言非繆因密商之何都閩以百兵付
胡把總前往擒緝但路徑未諳不便徑往因
呼一步快熟彼處逕路者授以千錢令衆乾
糧而往大雨中黑夜啣枚而進黎明入其巢
果翌晚宰牛盟神是早尙羣聚酣飲一時擁
入擒其渠魁十六人細審顛末立斃杖下餘

荆皖逸史

兩粵夢遊記

十一

黨悉潰地方弭一隱憂各紳俱捧榼酒稱賀
曰賴父母之力得安枕矣又積窩蔣紹元者
通廣東西湖廣三省劇盜按臺廉訪之不可
得邊有鄉紳袁三餘偶於郭外過之偵其行
止密來相告投計捕官率丁壯十餘人往猝
然就縛黨羽甚多剛羈重禁城街忽張掛偽
示稱總制三省大將軍統兵三千餘員各卽

日入城興問罪之師紳士喧譁揭而閱之謂

紳士曰無妨也此卽獄中蔣盜所爲耳紳士曰何以知之曰此奴遇袁老先生而猝然就縛今僞示所言三千餘者三餘也員者袁也豈斥袁名非此奴而何袁紳怖絕適值按院李仲熊入境又久雨城墻傾圮三十丈一面令獄卒防護嚴緊按院欲留駐全州一月料理入境疏因思越獄事有可虞緩圖必致滋蔓若詳上臺反成不了之局彼羽翼甚多變

荆蹤逸史

兩粵夢遊記

十一

生旦夕欲權自處置則按巡諸臺與諸刑廳在境又無不相聞之理乃賂按臺掌案者懇懇按臺卽日莅省然例又當躬送往返須旬日城墻傾頽甚慮也躊躇無策郊送六十里策馬而前卽行稟別按臺唯唯飛騎回州日已啣山矣以名帖迎請諸紳士至公所獄中提此劇盜及先有事相關二盜在禁者粹之至前數其罪而朗告紳士曰若此罪大惡極

蟠結三省寇盜作孽地方者應置之死乎齊
聲應曰應置之死乃選力壯數人痛捶之三
盜立殞杖下僞示虛聲畢竟絕影響人心稱
快假使此時隨按臺赴省城墻傾圮可以聞
入一時逞發可不爲寒心乎全故多盜一拘
禁則在外黨羽必百計力出之若申詳上臺
問擬大辟每有越獄者株累反多任內凡獲
盜二百餘人審其情真罪當法所難貸者俱
立刻杖斃所以一時盜賊屏息

荆亂逸史

兩粵夢遊記

三

一

癸未闖賊獻賊攻陷全楚逼近全州所在震
動先時祁陽王爲虐地方人心怨恨乘此攻
殺祁藩星夜遁入全境假道赴粵西省城倡
亂者隨之而來人人股栗因陳兵境上力阻
遏之祁藩致書乞哀必求庇護又思外既有
強寇內又有亂民必致自相糜爛申詳各憲
嚴檄阻之祁藩亦竟他道間去纔得帖息而

逆賊之報來矣爾時城內空虛百無一備紳士俱攜家眷出城百姓從之一日數驚乃出示先禁搬移次禁訛傳詳上憲請永寧副戎孫公尙鑑領千兵爲城守計漸次佈置防禦忽九月十九日夜半防守黃沙叅戎李公當瑞叩城門甚急晨行李入城曰闖賊來矣予曰何以知之云闖賊假裝督餉莊戶部諱相誦之舟沼途知縣叅謁俱不相見且隨船約

荆驛逸史

兩粵夢遊記

古

有三百餘號若督餉何以有此多船也予始亦疑之比天明城中無一人矣予令孫副戎坐北門城樓以鎖鑰交付親策馬出城只隨門子一人到河干呼一漁艇飛棹迎之果數百艘揚帆直指遙問莊老爺坐在何船內指一船曰此是予袖銀拋其船賂之得以相傍湧身一躍登其舟請相見仍以病辭因高聲曰事急矣我此來救護舊公祖非爲別事也

莊在內倉聞之卽臥次請相見問孫何故答
曰人傳老夫人船乃張獻忠賊船前途共有
民兵數千堵截因老夫人昔撫敝地恐有悞
傷故親來識認今果真當飛回阻邊也隨別
躍下小舟登岸城隅紳士見予仍策馬回俱
額手大喜曰太尊此去無恙非真賊矣人心
始定於是開城門換衣服候其舟到城下又
更謁之莊公懇借一寓調養沉疴力辭之云

荆楚逸史

兩粵夢遊記

五

闖逆旦夕且至事不可知豈堪駐札又懇少
留一二日備買柴米酒肉之類曰是不難遂
送白米二十石柴二十担酒三十罈宰猪二
口力促之行其所隨之船俱楚中逃難者附
之而行俱嚴逐之出境是晚城中乃大定于
是詳調土司狼兵應敵陸續漸至又計餉無
從出也躬請紳士計議有言堅守者有言出

戰者有言避賊者有言堅壁清野者有寂默

無語者衆論不一予語之曰各位若欲辦賊
不消許多議論只依我兩個字餘俱我自承
當衆問云何曰只要完錢糧既有糧餉稍粗
膽壯凡事可以湊手我守土之官百凡是我
干係也衆欣然爭輸不三日而得萬餘金又
詳請粵東制臺粵西撫臺各檄藩司共解一
萬三千金又撫臺問米何從出曰此不難耳
只留本州解府倉糧一年便足用只須候詳

荆駝逸史

兩粵夢遊記

去

一

批耳撫臺喜甚云此何必詳貴州竟便宜行
之又得米一萬三千餘石于時泗城州狼兵
以三千應忠州狼兵四千應附近土猺又以
二千應兩標營兵以二千應楊總鎮率各叅
遊督率分攻永州東安道州寧遠祁陽等處
支給本色折色水運陸運人人賈勇遂復楚
七城擒迎降授僞官百餘人審首惡六十四
人磔之先是防守之日闖賊遣二將領兵數

百伏於黃沙僅領十餘人叩城門云是投降
効用者登城隅俯詢之二人稱係張闔營將
偶爲失事得罪今逃來投生願爲向導張闔
可立得也予陽慰勞之云且安營城外當詳
軍門而後收卽遣二吏持榼酒相款授之以
計多酌勸之酒與結盟候彼極歡之時便附
耳與語云可惜二位好人州主疑心錯了彼
若驚問卽云州主今以酒款留別無好意卽

荆駝逸史

兩粵夢遊記

七

一

刻調兵來擒殺也果二賊跑馬飛去隨于城
中放礮發喊以疑之二賊同十餘人狂奔至
黃沙語休兵云大兵來矣正不知多少伏兵
棄甲曳戈甚有滾跌黃沙河而自相踐踏者
大奪其魄此第一次靈聲倖成也恢楚之後
駐兵永州高同知監紀者與楊總鎮爭所獲
財物婦女意氣相激高先拔營回楊亦撤兵
返全州棄所獲空城又爲賊所據駸駸又逼

全矣城中復哄動予提刀向楊總鎮曰嬰城固守是我分內事今爲私忿棄却城池前功盡隳反招引賊寇乘勢而來是誰之咎公若不速往我以家眷入山中卽以刀殺汝遂自刎矣楊總鎮悚然承應立刻又提兵往復克獲所得諸城雖有桑榆之收然殺傷擾害又大損一番矣時靖藩欲借擊賊之名陰有不軌之意不謀兩臺自密調田州狼兵一萬先

荆駝逸史

兩粵夢遊記

大

一

於黑夜潛出省城單騎到全匿於民家有門生周春元各忠佐密來報云靖藩悄悄地來此田州狼兵將蜂擁而至若之何隨密報撫院一面托宗室素相知者諭以藩王無出境之理勸令潛回因兵到省之時大逞搶殺撫臺無以禁之亦驚惶甚令賞功官預備棺木經過靈川縣官走匿經過興安縣官自縊所到無不焚劫先聲可畏頭站到州押擯官投見

大作模樣予降階迎之延引共坐首詢以犒
官犒兵數目彼先有一手摺在袖曰太爺真
正在行別處何曾說及所以衆人吵嚷耳接
其手摺約費僅二百金立刻捐資兌封并備
榼酒躬自答拜揖官愕然曰太爺何神速至
此感蒙如此相待自當効力不卽卸鞍隨策
馬前迎三十里語營頭曰全州太爺曉事不
比別處汝輩須遵約束不可仍前亂攬衆皆

荆駝逸史

兩粵夢遊記

五

唯唯土目田州知州姓岑名廷鐸者少年嗜
殺性極劣傲到州之日留在城外湘山寺結
營緊閉城門自往投拜彼盛陳兵衛以待予
亦盛儀從吆喝而往頗知謹戢預備啜酒
席餽之翌日張筵以款彼此酬答與彼心腹
了無猜忌不敢少遲亦絕不與談及行兵事
每早倡籌給米一百四十石分惟給散委十

吏管十堆無一譁者一日遣權州

即土司來
丞相也

云不消每日費心給米只求給幾票下鄉自
買米足矣予卽以十金成錠者納權州袖中
語之曰我米現貯倉中甚多儘着支用何須
要買所云買者不過兵丁假此下鄉騷擾耳
顧文一言方便作陰騭權州領之而去結營
十日兵丁頗有不耐禁戢之意余給土司曰
盟翁知此來爲靖藩所悞乎曰不知也曰靖
藩調兵未曾知會撫臺今撫臺將拜疏入告
謂盟翁擅行調兵離境尙奉旨嚴切將若之
何土司忙問曰何以教我予曰今楚地平定
無所用兵盟翁不若率師軍歸弟當力求撫
合歇手何如土司感甚曰非公見教幾悞我
次早卽班師去備榼郊餞洒淚而別消弭地
方一事亦大快也

旋以十三洞巢猺人作亂兩臺欲順道借此
土狼兵萬人進剿之予遣陳春元與猺爲鄰

招撫叛獯竟不用土狼而去蓋自九月十九日至十二月二十六日登城守陣躬率紳士分隅防守夜則每隅列火炬松香油糠火光徹夜耀天衣不解帶目不交睫者約一百日夜甲申三月望日備席七十餘桌花紅台蓋折席稱是請楊總鎮暨叅遊各官及本州紳士慶太平宴畢諸鄉紳春元生員俱向予拜謝有一紳爲趙獻素爲戶部郎諸紳士所

荆疏逸史

兩粵夢遊記

三

推重者昌言於衆曰公等知今日太平宴爲老父母勦賊之功乎愚意功不在今日在上年除文橋七部之賊若使此輩蔓延至今我屬無瞧類矣衆共稱服其言爲當嗣後地方復業各土司狼兵及標兵俱各發回時狼兵被調者羅大政一營亦在其內羅効力居多蓋感前日永寧保全之德也凡各營所擄婦女携經全州者挨查發銀收贖分寄紳士家

傳示楚中令彼本主認回多有紳士家艾婦
室女相攜至堂墀抱頭痛哭叩額感謝撫台
聞之亦致札諄謝云門下積此陰功已記名
天庭矣是時在楚藩王宗室無不戕害獨桂
藩輕騎過全不入城逕赴省入粵東逆賊獲
兩世子安仁王永明王羈禁之將劫以行安
仁王在道州禁中靖藩護衛往救得脫永明
王在道州禁中予同楊總鎮突圍救出護送

荆皖逸史

兩粵夢遊記

三

來全爲備衣服鋪帳飲饌器皿安歇三日送
路費遣吏目千戶護送又委一生員謝允謙
件行至東粵桂藩父子重得聚會桂王甚感
特疏題薦東西制撫交薦東制台沈公猶龍
特疏薦云逆賊攻陷全楚勢如破竹睥睨全
陽徘徊城下本官悉力防禦使賊不敢正視
全城踉蹌而去乘勝襲擊恢復楚境等語而

京師已有變矣

甲申四月接邸報陞廣東瓊州府同知深幸
脫苦海不半月隨有先帝遇害之報爾時
五內摧裂亟催署邸交代離任而不可得藩
司蔡沈因上臺委署未定又復詳留予激切
再詳云三年勞吏艱苦備嘗今安得不拘留
之禁錮之也藩司以拘留禁錮四字過激得
罪故意稽捧幸沈制臺見詳文懇切在寧遠
請回陸州同代謝始得卸事先時按臺李仲

荆馳逸史

兩粵夢遊記

三

一

熊與撫臺林公爲難各具疏叅劾俱牽予作
証時大計叅商按合將撫臺所信重者四人
盡皆拉去而獨不及予因予揜着一官與之
硬對且知予爲王昆華師門下士且爲李括
蒼師孫大器師壯雍賞拔因是不敢動手也
李按臺性極貪鄙蒞任未幾卽遣承差贖三
報封來云每一報封要一訪犯須萬金贖者

爲要予語之曰全州何等地方卽極大鄉紳

亦不過幾千金家業那有訪犯得萬金者爲
我持去繳還無此訪犯不過壞一州官不及
貴差也厚贈厚款之差亦唯唯持報封去然
例又不可少訪有一異棍係江右人逃匿西
延作孽多端卽臚款開送遂羈禁之適值分
校武闈赴省慮其逃脫卽親自械往此棍神
通異常用七白金賄脫按臺親喚當堂釋放
且囑云汝此訪必有造訪之某可速報來此

荆蹤逸史

兩粵夢遊記

五

棍遂將西延姓唐者造十萬賍送訪按臺幸
甚行牌仰平樂刑廳姚公斌提究差後到州
予謂之曰此訪犯從何來耶本州訪過有人
按臺不審徑放今此訪未經本州開送按院
何處得來要人只挈我去便了屢催亦終不
應改批桂林刑廳賈公必選來差亦復如前
堅拒之賈刑廳不得已面稟云全州爲非本

官開送偏強不申解須是改批本州審解庶

可結局從之改批來州予不差役只寫一論
早喚令唐人同請被害出州越日卽至詢詞
內有名俱齊呼役擺設香案在露臺公服對
天四拜祝云全州知州馬光在任從未做一
件傷天理滅子孫的事今被按院逼迫沒奈
何搽了花臉做此椿事衆百姓亦須諒我諸
犯証聞之號啕大哭合堂胥吏亦俱滯泣於
是端坐喚令商議此俱是捏造之事無可審

荆脫逸史

兩粵夢遊記

重

一

無可問只須酌量贓銀多少申報便了諸犯
俯伏一惟上命始酌議四百零九兩其招詳
報詳中極寓譏諷旋即批允不數日細思詳
文多有未便行稟桂廳不必解贓速吊銷原
卷刑廳行文并作東吊銷訖按院又恐來稟
留作張本又連稟亦俱吊銷從此按院恨入
骨髓矣按於平樂府吊取贓銀三千餘兩密
全庫子稟撫臺知之亦卽叅奏且指余作証

後絕不敢取一厘僅於賞兵送禮動支花銷
後語桂刑廳曰不料全州狼惡如此然終無
奈我何也及造冊候代牌行全州駐扎且面
囑修理衙宇予思此來相與盤桓終非好阻
識也亟語桂刑尊曰外邊傳說有萬千贖贖
寄全州庫若來則此語似真桂刑尊以聞卽
刻改牌駐柳州者三月不見親近爲幸亦省
多少風波也迨爲總憲李邦華叅拏而始得
荆蹤逸史

兩粵夢遊記

天

與之開交不然恐亦終不免也

將離任赴東粵之前新按臺鄭公諱封莅任
先駐梧州因送撫臺便道來謁初見亟屏人
詢兩臺交爭事予爲備陳顛末鄭公始悞又
曰雖則如此然在衙門體面各人要存耳後
亦不與撫臺爲難按臨省城與新桂刑廳吳
公鍾靈同年也催賢否冊亟甚尙未經酌定
遣捕員密請傳柳以進語云吳年兄只會做

文字不會做官豈有司理問以賢否而久不
應者乎

時司李
兼署府

借重爲一開列備覽予作起

曰此何等事而下吏敢越俎按臺曰此乃肺
腑之語若如此反不相諒因據所知開列復
薦按臺所不滿者二人辭別赴廣東行是時
沈制臺出巡韶州遡流而上欲往辭給假暫
歸祇英德兩舟相值復隨之而下至三水驛
相見謝辭不允至東省再見以老母年高乞

荆脫逸史

兩粵夢遊記

毛

假暫省制臺曰海南黎賊叛亂告正有事之
日必欲借重調停卽日遷轉易事耳謁按臺
劉公達亦然不得已驅車赴瓊路遇強寇劫
掠行囊過半間關渡海正值黎賊攻破臨高
縣殺官劫庫又圍定安縣城中一空紳士百
姓赴府告急者以數千計道臺林公諱汝翥
忙甚初見卽握手謂曰望眼穿矣一以黎事

付託竟携印赴省辭任棄官去府尊張公允

佐惶惶無策地方蠢動予與守佛許大才商
議宰牛誓師突冲定安之圍圍遂解先是定
安知縣王姓者以賊圍無援窘甚自縊署印
無人因爲暫理招撫居民日則拮据夜則巡
城卽除夕元夕猶登城策騎周視也賊魁符
元豪黎雪黎祿黎番分踞作耗廣佈奸細窺
伺因每日在教塲試騎射繕甲造帳製弓箭
火藥銃炮鍊蔡諸武具黎賊相謂曰馬二爺

荆蹤逸史

兩粵叢遊記

三

果欲勦我輩耶時又招黎頭王仲英及黎長
陳貢生王貢生十數輩嚴令防禦又陽示招
撫忽命徐中軍授以反間之計三黎自相戕
併俱各授首符元豪雄據儋州勢亦少孤亦
遂用計撲殺之梟其首并三黎之首獻浮厚
賚徐中軍劉陳二守備爲之把盞是役也不
興一旅不煩一矢而得成功瓊人傳頌向來

黎患特簡總督師徒數萬錢糧數十萬未得

貼服今不勞費而定未有若此之安間神速
者也然差喜僥倖獲成非有他能也丙戌正
月符黎餘孽復嘯聚於白沙深處欲乘燈夕
弛禁之日進郡城作亂有告急者禁不令傳
說仍令徐中軍扮作賣肉者挑担入其巢穴
與之交易假以無意揚言府二爺不知提兵
往何處卽日各寨兵到我輩做小經紀人只
怕兵來不知此處可借住幾日否衆孽聞之
疑事洩來搗巢也旋卽散去

荆駝逸史

兩粵夢遊記

五

是時署府印止九十日恰值歲底新年一無
所事海北守道蔡秋卿來署海南巡道頗作
聲色見予署府印囑門子來索八百金同堂
弟在署頗有難色予曰狗旣咋骨纔不噬人
竟予之四百金卽日封印小轎便服拜鄉紳
春元告別百姓聞之閉城門罷市人持一磚
擁進道門欲甘心於蔡道蔡道聞之心膽俱

碎急遣在署鄉親翁姓者到府跪求出堂視
事諭散百姓予始亦以病辭旣思亦儘勾洒
落矣殊寫牌諭止之士民始定蔡道悔過不
遑曰那知此公如此得民心也後又以臨高
澄邁三縣缺官托新府尊李逢春致意借重
兼署欲以償前費也予語之曰署府三月詐
銀四百並署兩縣我不能又出貲本作販夫
也回詳中亦以販夫二字直拒之李府尊爲
判駝逸史

兩粵夢遊記

三

之昨舌按院王公諱化澄聞之行查此事將
以據叅而蔡道適患病殞幸也

福建江西信急新制臺丁公諱魁楚因方伯
吳公諱時亮推薦特甚是日移鎮南雄徵調
土司狼兵知爲予素所服習題薦監軍道僉
事不俟命下遣官敦請監攝其軍其率領

親兵及召募黎兵渡海赴南雄爲制臺造營
房給月餉整頓兵馬分撥前過梅嶺偶與雄

廳馮琬不合亟求解務堅不允行纔二十日而閩信又壞矣同制臺返肇慶議擁立事適西撫瞿公諱式耜陞任少司馬在肇與制臺議論相左爲之調停弗獲又兩相委托因思擁載大事豈小臣所輕置喙者異日兩公相激心諉罪我不別兩公竟歸瓊州謝監軍事後亦究依瞿公議擁戴既定陞任車駕司員外未幾恒中李公用楫疏薦升海北巡道旅

荆蹤逸史

兩粵夢遊記

三

一

改嶺西巡道副使纔欲束裝而時事已不可爲矣避居海濱行李爲之一空時丁亥三月中事也戊子春忽聞反正之信六月始確與同事出身相慶九月杪渡海十二月抵端州陸見旋擢勳少上念舊擁護功傳旨

召對極謝當日護救始末賜宴諭鴻臚

寺堂上官傳旨吏部照三次覃恩加陞

三級乃爲當事五虎所尼僅陞同少卿加級

贈封祖父母父母恩及三代蓋異數也朝
班碌碌見門戶攻擊愈甚五虎惟以招權納
賄伐異黨同爲事知時事不可爲屢以疾辭
奉 旨不允僅令在寓調理時全永李撫軍
病故全紳士思及舊拒闖逆功督輔瞿公知
之亟以民情上聞卽日有全撫之擢舊例撫
臣必由會推五虎以資格相尼不由會推冢
宰竟奉 旨補贖陞授予抗章懇辭侵及諸

荆蹤逸史

兩粵夢遊記

三

人疏至再三不獲 陛辭之日條議時事疏
力諫之諸人亦不敢置辯抵桂林與督輔瞿
公商酌情形見將驕兵悍且餽餉不給日事
切據力陳措餉勵兵偵探夾擊分沉保民諸
事條上總總慮之及抵全州捐橐犒軍爲費
不貲督諸營分五道並進諸將俱已晉爵公
侯志得意滿日則賭博羣飲夜則擁少艾爲
樂觀望不進遷延兩月乃始發兵攻永州初

亦告捷三次繼而疎縱奸細入營放火尙然
高卧一時喧亂人不及甲馬不及鞍相率鼠
竄狂奔封疆又付之一擲矣抵全喘定亟備
酒飯慰其渴飢乃語之曰彼不來追我自走
耳站定腳根尙可養銳以圖再舉試問今日
將更退歸於何處諸將聞之無語力督其收
拾殘敗仍札營於全北城外十里之太平鋪
力爲設處糧米親往山中村落沿家督催糧

判牒逸史

兩粵夢遊記

三

一

賦卽除夕元旦亦令之挑負逆營聲勢振怖
庚寅三月忽訛傳有北兵來不及致詳五營
盡拔營宵遁督師張公同敵亦在營中不能
不借之行予致柬微諷之渠以爲嘲刺竟啣
恨去予自謂與城存亡之人也卽檄紳士百
姓誓神督民兵得萬人設立十三關四民俱
搬入關中相倚爲命人民俱集各營聞之愧
悔督輔瞿公嚴檄催進復移營來全縱兵入

關大肆擄掠避難居民受毒不可勝言矣余憤甚爲繕疏上聞卽乞休屏居山頂鎮國公胡一青立營關外力請出山謂公不出則擾民不已出則乃不擾民也予謂以此要我斷無不出之理卽策轡出山料理接濟糧餉不一月而各鎮又聞風拔營走矣若輩擁重兵受重寄等於兒戲再上疏乞休自請就戮哀動天聽奉 旨撤回赴部用瞿公疏留謂

荆蹤逸史

兩粵夢遊記

卷一

節鉞重臣無輕撤理又奉 旨慰留遣兵部

司官賚勅諄諭然居民已無一人孑然一身作何障禦適病感冒甚劇輿疾赴省與瞿公具述所以戕民擅奔之狀瞿公始知一日不可留也甚悔前疏之失予具咨懇以轉奏十一月朔六日上午奉 旨病痊起用而兵入省城已大潰決裂矣此時卽擬自裁念有老母在且旣已准病離任可緩于封疆之誅盡

棄行李舟無傍人幾至沉溺僅抵陽朔而兩路夾擊欲赴水爲僮子泣挽乃舍舟入山寨次早兵隨入山衣服被囊罄劫無存抵暮從山顛掛下黑夜掉泥中避往獾巢又爲外人所覺遣將官領兵看守隨欲奪其刀自刎爲將官夏姓者堅持又不容轉身立逼之出隨之登舟此時已置生死於度外矣到省見總兵線國安副總于文科力請速死二人竟相

荆皖逸史

兩粵夢遊記

三

待甚善線總兵爲安頓任處挑送飯米于副總又慮在省嘈雜請之線總兵求送全州安置遂於辛卯二月初一日行實元旦也

當時改用

建丑正故二月朔爲元旦

凡飲食往歇之處俱于副總任

之屢求退不得也幸舊識及門生諸人日餽資糧間以碁酒遣日盤桓九閱月法禁稍弛擬卜鄉居舊門生有願送田者有願借園房者欲就之隱居爲終焉之計懇之于總已得

首肯值瞿使從家鄉來附有家報知先慈已於己春二月棄世家中爲藉產事株累極苦痛棹幾絕歸志始決然終不可得也值代于總者爲劉副總孔修江寧人也一見如故雖武弁然青田之後頗知文墨兼喜對客啣杯日夕敦請宴樂必至夜半始別語次求其謀歸亦終無策適有流謗于線總者言日有宴會必饒貲財線總遣將官密訪將有羈留隨

荆皖逸史

兩粵夢遊記

美

旗之意劉副總聞之卽呼遣官諭云彼口食尙不給我輩念爲先朝大臣憐其流落他鄉實不忍也遣官依言回覆線總兵忽動良心遂發一護身牌放歸時壬辰三月也劉總改調南寧留家眷在全托爲照管又囑家中措置路贖五十金相贈稍稍稽時日迨四月十六日欲行聞有鐵騎從衡州來而阻至五月二十五日借一小舟行至永州聞有潰兵四散

而至一路戒嚴六月初三日抵衡州覓搭船
不可得借寓于總新造空船內六七日間端
州有孫兵至

卽孫可望之兵

合城喧遁此時亦坐不

穩矣河干阻住行舟絕無往來者覓一小小
客船相附懇衡州署府趙同知轉求營將給
牌放行時有祁陽徐將官聯舟欲相隨予認
爲一家許之相傍得出柵次日至衡山夜半
忽喊聲震天疑爲強賊乃續順公帳下差官

荆馳逸史

兩粵農遊記

三

擄船也擄及徐船原係舊識徐將官亦認爲
一家得以無掠深幸兩日前攜帶人今亦爲
人所攜帶何相報之速也又行三日始達湘
潭時續順公從寶慶全營奔逃河中檣帆亂
竄隨之行至長沙札營立柵亦不許放一船
行走以六七月中酷暑伏藏小艇者四十六
日日蠅夜蚊攢集從來未經嘗之苦未可形
容值于總新船載鹽過辰州稟討開放懇塔

其船纜脫虎口如插翅上天矣纜行一日駕舟者不識水徑竟擱淺灘挽拽三日夜不得動水愈乾船愈牢續順公全營聞追兵又曉夜飛奔始時見滿河船盡而追兵至子然一舟釘立沙灘亦付之無可如何而已靜以待之遙望三四船至因默祝曰倘可生還或得呼而求渡乎漸漸相近遙呼之卽應原與于總舟人相識者但粗造未完都無遮蓋因求

荆駝逸史

兩粵遊記

三

相渡慨然依允卽刻顧之以行兩日抵洞庭湖順風極狂暮時將抵岳州矣時中秋月極皎忽而火雷交至霎時黑霧漫天狂風驟雨迅速而來以破散未完之舟震盪于衝波激浪上無遮蓋淋雨傾身兼之黑夜舟人無所施其伎倆叫喊連天謂此番必不得免矣震盪者一夜抵天明風勢稍緩終不得行又搖撼于湖中者一日夜第三日纜揚帆過岳州

續順公營又扎岳城下恐其截住飛棹逕過所携僮子另宿脚舟幾乎相失行三日達漢口遣人另覓搭船得一船已議定寫單矣及登舟而又不允聞僮子呼老爺謂是職官不便也再三講說得允云少待五六日可行始謂五六日易待耳不料客貨未齊在船悶坐者二十七日乃動身及撐至江口又坐十日

荆皖逸史

兩粵夢遊記

五

蔽天不可得行波浪中又歇二日見別船頗溺江中者殊可怖也日遇逆風不過行三四十里挨過黃蘄過九江風愈熾望見匡廬舟主人指曰此所稱廬山也遙隔停舟置酒相款時同舟者有撮人湖人頗知字調予曰何不作詩紀遊乎予因搦管浪吟頗誌不忍輕別之意亡何狂飈徑作經小孤山舟過而復相回三次因思不忍輕別之語若爲之識也

舟人謂自行舟以來未有此怪事十月初七日始達蕪湖停五日另僱庫船出關備受二關需索之累至龍江風狂舟行如駛欲赴瓜埠訪劉副總令即兼送家信而舟不得停僅遣一人去及到京口好抵家矣不謂開河作壩先一日已築斷又阻不得進乃登岸借居七日歸心如箭僱車以行至奔牛僱船行及橫林而次兒長孫來迎一時父子祖孫相會

荆皖逸史

兩粵夢遊記

單

相抱痛哭又行一日纔抵家蓋萬無一生中得生萬無得歸時得歸及得歸矣而途中備極險阻如此念自庚辰三月出門壬辰十月二十七日還家共十三餘年在外備極勞苦歷盡患難乃于兵戈滿地波浪掀天中作收場今仍是本來面目夢中夢幻中幻如廬生從枕上遊也但思先帝大恩未監尺寸又不獲以身殉則死亦不瞑目也夫

按廣西通志職官表馬光吳縣人崇禎十四年任永寧知州崇禎十六年任全州知州宦績志未立傳

兩粵夢遊一編吾六世祖涑菴公宦遊兩粵事跡親記手澤也公自粵遊歸隱迹堯峯幽棲巖阿傍築純陽閣又近姑蘓臺舊址往來于靈巖香涇穹窿山谷赤松子採芝處又有漁蓑樵笠雲袖霞裳皆深沉竒

荆脫逸史

兩粵夢遊記

星

士日以琴歌詩酒相與嘯傲其閒公臨終云祿雖無冠帶賸我本來面目亦可今之結茅息影之所卽葬我身足矣云云後子菴公恪遵奉安所遺是編傳已七葉前蒙新安許子諱楚首爲之序其後起頑陸子聖徵何子銘果吳子青田陳子竹菴馮子并諱續姪者諸君子亦各題序但是編有殘損字跡幸存澗來公鈔本校補鐘自顧

非材又慚無識每一開卷未嘗不垂淚沾襟當春秋祭掃徘徊松下而不能去幼時懷弔詩有先世丹青亞後代何貧蹇句嘻天若無虧石可不鍊海如長溷鳥可停銜公之勞蹟望君子之能揚傳得手編期後人之克守庶不淪吾祖之苦志也幸矣七世孫鐘跋

荆駝逸史

兩粵夢遊記

望

